

# GJALDSKRÁ

## Orkubús Vestfjarða fyrir raforku.

### I. SMÁSALA

#### Gjaldskrárliðir.

Orkubú Vestfjarða selur raforku á þann hátt og við því verði, sem hér segir:

#### A.1 Almenn notkun.

Öll almenn notkun, svo sem heimilisnotkun, lýsing, smávélanotkun og öll önnur notkun ótalin annars staðar.

Orkugjald . . . . .	5,83 kr/kWst
Fastagjald F1 . . . . .	3 311,00 kr/ári

#### A.2 Skammtímanotkun.

Öll skammtímanotkun og notkun til vinnuvéla, vinnuljósa og annars við mannvirkjagerð, svo og við breytingar á eldri mannvirkjum.

Orkugjald . . . . .	8,74 kr/kWst
Fastagjald F1 . . . . .	3 311,00 kr/ári

#### A.3 Utanhússlýsing.

Öll notkun og viðhald úti- og götulýsingar.

Aflgjald . . . . .	11 852,00 kr/kw/ári
Viðhaldsgjald . . . . .	17 609,00 kr/kw/ári

#### A.4 Sumarbústaðanotkun.

Heimilt er að selja raforku til þessara nota samkvæmt lið A1 ef hagkvæmara þykir. Öll notkun í sumarbústöðum og sumarbúðum.

Orkugjald . . . . .	3,23 kr/kWst
Fastagjald F2 . . . . .	15 614,00 kr/ári

#### A.5 Markmæling.

Allur almennur búrekstur.

Aflgjald (lágmark 4 kW) . . . . .	5 708,00 kr/kW/ári
Fastagjald F3 . . . . .	12 470,00 kr/ári
Orkugjald af allri notkun . . . . .	2,37 kr/kWst
Orkugjald af notkun umfram aflstillingu . . . . .	5,83 kr/kWst

Orkugjald vegna rafhitunar heimila er niðurgreitt samkvæmt ákvörðun iðnaðarráðuneytis. Sjá kafla um niðurgreiðslur og sérstakan afslátt.

Heimilt er að selja raforku til búrekstrar samkvæmt öðrum liðum ef hagkvæmara þykir. Lágmarksfé 4 kW, hámarksafli 50 kW.

#### B.1 Aflmæling.

Öll meiri háttar véla- og iðnaðarnotkun.

Lágmark 15 kW.

Aflgjald . . . . .	9 299,00 kr/kW/ári
Orkugjald . . . . .	2,05 kr/kWst

**B.2 Súgþurrkun.**

Til súgþurrkunar á tímabilinu 1. júlí til 31. október.

Aflgjald . . . . .	2 688,00 kr/kW/ári
Orkugjald . . . . .	1,60 kr/kWst

**C.1/D.1 Hitun.**

Orkugjald . . . . .	3,23 kr/kWst
Fastagjald F3 . . . . .	12 470,00 kr/ári

Orkugjald vegna rafhitunar heimila er niðurgreitt samkvæmt ákvörðun iðnaðarráðuneytisins. Sjá kafla um niðurgreiðslur og sérstakan afslátt.

Roftími er allt að 3 klst. á sólarhring.

**C.2/D.2 Næturhitun.**

Orkugjald . . . . .	2,18 kr/kWst
---------------------	--------------

Orkugjald vegna rafhitunar heimila er niðurgreitt samkvæmt ákvörðun iðnaðarráðuneytisins. Sjá kafla um niðurgreiðslur og sérstakan afslátt.

Roftími allt að 15 klst. á sólarhring.

**D.3 Varmadælu.**

Til notkunar á varmadælum.

Orkugjald . . . . .	4,50 kr/kWst
Fastagjald F3 . . . . .	12 470,00 kr/ári

Hitun húsnæðis er undanþegin virðisaukaskatti.

**Mælaleiga.**

Notendum er gefinn kostur á að leigja mælitæki til innra uppgjörs og skal leiga fyrir mælitækin vera sem hér segir:

Einfasa mæla . . . . .	710,00 kr/ári
Prífasa mæla . . . . .	2 800,00 kr/ári
Prífasa mæla með straumspennum . . . . .	4 740,00 kr/ári

Gjald fyrir önnur mælitæki, en að framan greinir, tekur mið af ofangreindu verði, þó aldrei lægra en sem nemur 15% af verðmætum þeirra, samkvæmt nánari ákvörðun Orkubús Vestfjarða hverju sinni.

*Innheimta og lokun.*

Innheimtugjald:

Gjald til greiðslu kostnaðar við vanskilainnheimtu og undirbúning að lokun er kr. 806,00.

Opnunargjald:

Gjald fyrir lokun og enduropnun veitu vegna vanskila, er kr. 1 613,00.

*Skilgreiningar og ýmis ákvæði.***1. Utanhússlýsing.**

Orkubú Vestfjarða sér um uppsetningu utanhússlýsingarkerfa samkvæmt ósk notanda, sem greiðir allan stofnkostnað.

Allt eðlilegt viðhald lýsingar annast Orkubú Vestfjarða á sinn kostnað.

## 2. Markmæling.

Liður A.5 er fyrir heildarorkusölu til bændabýla samkvæmt opinberri skráningu og skilgreiningu þar um. Aðrir gjaldskrárliðir eru ekki veittir samhliða honum svo sem súgþurrkun eða húshitun. Breyting á aflstillingu er aðeins gerð samkvæmt skriflegri beiðni notanda, hvort sem hún er til hækkunar eða lækkunar.

## 3. Aflgjaldsmæling.

Liður B.1 er fyrir heildarmælingu á allri notkun og verða ekki aðrir liðir, svo sem A.1, veittir samhliða. Aflgjald er ákveðið samkvæmt mælingu miðað við 15 mín. meðalgildi afls.

Gjaldskýlt afl hvers almanaksárs er meðaltal fjögurra hæstu mánaðargilda. Álestur fari að jafnaði fram í byrjun hvers mánaðar.

Lágmarksaflgjald er miðað við 15 kW afl. Notanda með lægra meðalgildi afls er þó heimilt að kaupa raforku samkvæmt lið B.1, enda greiði hann þá lágmarksaflgjaldið.

## 4. Sumarafi.

Á tímabilinu 1. maí til og með 30. september ár hvert geta notendur á afltaxta, B.1, fengið heimild til að hækka afltopp sinn, án þess að sú hækkun hafi áhrif á reiknaðan ársmeðaltopp.

Skilyrði fyrir slíkri heimild eru:

1. Lágmarksheimild er 30 kW.
2. Gjald fyrir heimild er 10% af ársaflgjaldi skv. gjaldskrárlið B.1, ár hvert.

Heimildin tekur gildi 1. maí eða á greiðsludegi ef hann er síðar og gildir til loka septembermánaðar.

## 5. Véla- og tækjanotkun.

Ef úttekið launafl hjá notanda nemur meiru en 50% af mestu útteknu raunaflí á ári, miðað við 15 mín. meðalgildi afls, skal hann gera ráðstafanir á sinn kostnað til þess að færa það niður í framangreint hlutfall. Orkubú Vestfjarða getur krafist notanda um sérstakt gjald fyrir launafl sé framangreint hlutfall yfir 50% (fasviksstuðull undir 0,9), þar til úr hefur verið bætt. Gjald fyrir launafl umfram framangreint hlutfall skal nema hálfu aflgjaldi skv. lið B.1 í gjaldskrá. Heimilt er að banna notkun rafsuðuspenna og annarra tækja er valda tilfínanlegum truflunum, um lengri eða skemmri tíma eftir aðstæðum hverju sinni.

## 6. Takmörkun á vali gjaldskrárliða o.fl.

Pegar um sérstakar aðstæður er að ræða, svo sem tímabundna notkun mikils afls, getur Orkubú Vestfjarða takmarkað val notanda við ákveðna gjaldskrárliði eða gert sérstaka samninga um skilyrði fyrir tengingu. Þar sem framleiðslukostnaður orku er sérstaklega hár, svo sem á dieselstöðvasvæðum, eða flutningsgeta og/eda spennaafli er takmarkað, áskilur Orkubúið sér rétt til þess að takmarka val gjaldskrárliða.

## 7. Annað.

Virðisaukaskattur leggst á gjöldin samkvæmt gildandi lögum hverju sinni.

## II. HEIMTAUGARGJALD Í ÞÉTTBÝLI

Heimtaugargjöld Orkubús Vestfjarða í kaupstöðum, kauptúnum og þorpum, tengd veitusvæðum Orkubúsins og með fasta íbúatölu 50 eða fleiri, samkvæmt skrá Hagstofu Íslands á hverjum tíma miðað við áramót, eru sem hér segir:

1. Orkubú Vestfjarða ákveður stærð og gerð heimtauga eða spennistöðva fyrir hverja húsveitu. Með heimtaug er átt við hvort heldur tengingu við rafveitu og/eða hitveitu.
  - 1.1. Umsækjandi heimtaugar skal á heimtaugarumsókn gera grein fyrir væntanlegri heildarafþörf næstu 5 árin, ásamt gerð og notkun húsnæðis, tilgreina skal sérstaklega aflþörf vegna hitunar. Teikning af húsnæðinu fylgi heimtaugarumsókn. Heimtaugargjald skal greitt að fullu áður en verk er hafið.
2. Ein heimtaug er lögð að eign eða eignum á hverri lóð og greiðist heimtaugargjald af hverri heimtaug eða spennistöð sem hér segir:
  - 2.1. Heimtaug.

Aflþörf veitu kW	Stofngjald kr.	Jarðstrengur gjald af yfirlengd kr/m
Allt að 40	65 100,00	1 310,00
40 – 65	96 495,00	1 570,00
65 – 130	202 965,00	1 970,00
130 – 200	318 675,00	2 370,00

Aukamælagrind fyrir hitaveitur kr. 26 355,00. Ofangreind heimtaugargjöld eru bæði vegna raforkunotkunar til hitunar og til annarra nota og skiptist þannig að 75% eru vegna hitunar og 25% vegna annarra nota.

- 2.2. Yfirlengd reiknast af jarðstrengsheimtaug, sem er lengri en 25 m í lóð. Lengd jarðstrengsheimtaugar reiknast frá lóðamörkum við götu, stystu greiðfæru leið að varkassa á útvegg götuhliðar hússins. Teljist hagkvæmara að hafa varkassa á innvegg skal leita samþykkis Orkubúsins um gerð og frágang pípu, sem heimtaugarstrengurinn verður dreginn í. Af jarðstrengsheimtaug með flutningsgetu 130-200 kW greiðist yfirlengdargjald af vegalengd frá stofnvarkassa að rofa í dreifistöð að frádregnum 25 m í lóð. Af vegalengd umfram 125 m í götu greiðist ekki yfirlengdargjald, sjá þó lið 2.4.
- 2.3. Sé nauðsynlegt eða hagkvæmara að setja spennistöð að mestu eða öllu leyti, fyrir einn notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að dómi Orkubúsins, með hliðsjón af tæknilegum aðstæðum hverju sinni. Þegar lóð er lögð til, er það gert Orkubúinu að kostnaðarlausu og hlíta ber skilmálum þess um stærð og staðsetningu stöðvarinnar. Þegar húsnæði fyrir spennistöð er lagt til, t.d. innan þess húsrýmis er umsækjandi hefur til umráða, svo sem í fiskverkunarhúsum, fiskimjölsbræðslum, iðnaðarhúsnæði, verslunarhúsnæði o.s.frv., skal staðsetning þess ákveðin með samþykki Orkubúsins í hverju tilviki og skal húsnæðisaðstæðan fullnægja þeim kröfum sem gerðar eru um húsnæði til þessara nota. Húsnæðið -uppsteypt hús- er lagt Orkubúinu til að kostnaðarlausu, en það sér um allan kostnað við fullnaðarfrágang húsnæðisins eftir nánara samkomulagi þar um hverju sinni.
- 2.4. Telji Orkubúið að auka þurfi flutningsgetu heimtaugar eða stækka spennu, eða notandi óskar eftir þeirri aukningu skal notandi greiða 40% kostnaðar samkvæmt heimtaugargjaldskrá fyrir íbúðarhús, en allan kostnað samkvæmt kostnaðarreikningi fyrir iðnaðar- og verslunarhús o.þ.h.
3. Fyrir bráðabirgðaheimtaug í vinnuskúr eða hús í byggingu skal greiða sem hér segir:
  - 3.1. Grunnjald óháð kostnaði við setningu bráðabirgðaheimtaugar kr. 6 321,00.
  - 3.2. Fyrir kostnað við framkvæmd verksins og leigu á efni samkvæmt kostnaðaráætlun Orkubúsins, sem miða skal við aðstæður hverju sinni.

4. Gjaldskrá þessi gildir í skipulögðum hverfum, innan kaupstaða, kauptúna og þorpa. Sé um óskipulagt svæði að ræða eða aðstæður óeðlilegar, skal greiða heimtaugargjald samkvæmt reikningi, er byggist á kostnaðaráætlun eða raunkostnaði, háð aðstæðum og ákvörðun Orkubúsins hverju sinni.  
Öll gjöld eru gefin upp án virðisaukaskatts en hann leggst á öll heimtaugargjöld skv. gildandi reglum á hverjum tíma.

### III. HEIMTAUGARGJALD Í DREIFBÝLI

1. Hver sá, er óskar að fá heimtaug frá Orkubúi Vestfjarða utan þéttbýlis, skal hafa greitt heimtaugargjald til Orkubús Vestfjarða áður en lagning veitunnar er hafin. Óheimil er rafmagnsnotkun um heimtaug nema framangreindu skilyrði um greiðslu heimtaugargjalds hafi verið fullnægt.
2. Heimtaugargjald fyrir eina heimtaug á hvert lögbýli, fyrir eina heimtaug til annarra en bænda sem stunda sambærilega atvinnustarfsemi og þeir, enda eigi þeir lögheimili og hafi fasta búsetu í sveit, og fyrir eina heimtaug í þjónustufyrirtæki í sveitum sem þjóna fyrst og fremst þessum aðilum skal vera kr. 100 000,00. Framangreint grunngjald miðast við vísitölu byggingarkostnaðar 189,2 stig og að heildarkostnaður við heimtaugarlögnina fari ekki fram úr kostnaði við lagningu 80 m heimtaugar og uppsetningu 25 kVa spennistöð. Grunngjald breytist í sama hlutfalli og vísitalan til hækkunar eða lækkunar.
3. Aðrar heimtaugar:  
Heimtaugargjald fyrir annað en að framan greinir, svo sem heimtaugar á lögbýlum umfram eina, heimtaugar umfram eina í tengslum við aðra atvinnu- og þjónustustarfsemi sem um ræðir í 2. lið, heimtaugar í tengslum við aðra starfsemi en þar greinir, heimtaugar í einstök sumarhús, veiðihús, sumardvalar- og orlofshús hverskonar og aðrar ótaldar byggingar í sveitum, svo og bráðabirgðaheimtaugar, skal vera samkvæmt kostnaðaráætlun Orkubús Vestfjarða, þó aldrei lægri en heimtaugargjald skv. grein 2 hér að framan.  
Öll gjöld eru gefin upp án virðisaukaskatts, en hann leggst á öll heimtaugargjöld skv. gildandi reglum á hverjum tíma.

### IV. NIÐURGREIÐSLUR

Iðnaðarráðuneytið ákveður upphæð niðurgreiðslna vegna hitunar íbúðarhúsnæðis með raforku og rafkyntum hitaveitum og setur nánari reglur þar um. Niðurgreiðslna njóta þau heimili sem búa við slíka hitun og eiga ekki kost á heitu vatni til upphitunar frá jarðhitaveitu sem starfrækt er á viðkomandi stað.

Orkubú Vestfjarða og Landsvirkjun veita ennfremur fyrst um sinn sérstakan afslátt til sömu aðila og njóta niðurgreiðslna. Um niðurgreiðslur og sérstakan afslátt gilda eftirfarandi reglur:

Hver kílóvattstund (kWst) er niðurgreidd um fasta upphæð, upp að ákveðinni hámarksnotkun. Til grundvallar þessu er lögð orkunotkun að hámarki 30 000 kWst á ári samkvæmt lið C1 og H490 og 42 000 kWst samkvæmt lið A5, en er skipt eftir vægi veturs og sumars í hitaþörf. Vetrartímabilið er frá og með 16. október til og með 15. apríl. Þetta skal framkvæmt á eftirfarandi hátt:

*Liður C1 hitun:*

Niðurgreidd er orka sem er allt að 105 kWst á dag að jafnaði á vetrartíma en 60 kWst á dag á öðrum tíma árs. Niðurgreiðsla nemur kr. 1,12 kWst og að auki sérstakur afsláttur 0,34 kr. á kWst, eða samtals 1,46 kr/kWst.

*Liður A5 markmæling:*

Niðurgreidd er orka sem er allt að 146 kWst á dag að jafnaði á vetrartíma en 85 kWst á dag á öðrum tíma árs. Niðurgreiðsla nemur kr. 0,80 á kWst og að auki sérstakur afsláttur 0,244 kr. á kWst, eða samtals 1,044 kr/kWst.

*Liður C2 næturhitun:*

Ekki er sett hámark við niðurgreiðslur samkvæmt lið C2 næturhitun. Niðurgreiðsla nemur kr. 0,64 á kWst og að auki sérstakur afsláttur 0,40 kr á kWst, eða samtals 1,04 kr/kwh.

*Liður H490 Orka og vatnsmagn:*

Niðurgreidd er orka sem er allt að 105 kWst á dag að jafnaði á vetrartíma en 60 kWst á dag á öðrum tíma árs. Niðurgreiðsla nemur 1,04 kr. á kWst og sérstakur afsláttur að auki, 0,29 kr. á kWst eða samtals 1,33 kr. á kWst.

## V. SKILMÁLAR UM SÖLU VÍKJANDI ORKU

### 1. Almenn skilyrði.

Víkjandi orka er rjúfanleg forgangsrorka. Hana má selja í stað annarra orkugjafa þegar um er að ræða framleiðslu eða starfsemi sem lagst getur niður tímabundið meðan rofið er. Víkjandi orku er ætluð:

- a) Þeim sem kost eiga á ótryggðri orku en treysta sér ekki til að undirgangast þau skilyrði um langtímarof sem henni fylgja.
- b) Þeim sem kost eiga á kaupum samkvæmt smásölugjaldskrá, sbr. þær takmarkanir sem þar koma fram, til nota hvar rof á hæstu álagstímum getur talist eðlilegur viðskiptamáti; hér er einkum átt við ýmis konar hitun og lýsingu í gróðurhúsum.

Sala á víkjandi orku er háð samþykki Orkubús Vestfjarða í hverju tilviki.

Uppsett afl þess búnaðar, sem nýtir víkjandi orku, skal að lágmarki vera 100 kW eða áætluð ársnotkun að lágmarki 500 MWst.

### 2. Afhending víkjandi orku.

Stýritími er sá tími þegar stýring aflkaupatopps frá Landsvirkjun er virk. Framkvæmd er í höndum stjórnstöðvar Orkubús Vestfjarða sem kemur boðum um stýritímann til viðskiptavina.

Orkubúi Vestfjarða er heimilt að skerða afhendingu:

- a) Á stýritíma Orkubús Vestfjarða.
- b) Vegna aftakmarkana, truflana eða bilana í veitukerfi Orkubús Vestfjarða til að koma í veg fyrir yfirálag. Enginn fyrirvari er á rofi vegna tilviks a), en eigi skemmri en ein klukkustund vegna b) ef mögulegt er.

Heimilt er Orkubúi Vestfjarða að leyfa afhendingu orku á stýritíma gegn gjaldi sem nemi 110% af refsigjaldi (umframaflgjaldi) Landsvirkjunar eða 110% af áætluðum framleiðslukostnaði með dieselvélum vegna álagsstýringar á hverjum tíma.

### 3. Mæling og rofabúnaður.

#### 3.1 Mælabúnaður.

Kaupandi víkjandi orku skuldbindur sig til að setja upp mælabúnað sem við á og orkubúíð samþykkir til mælingar á orku.

Öll víkjandi orka hjá hverjum kaupanda skal mæld á einum stað og á einum mæli.

Orkubúi Vestfjarða er heimilt að ákveða að búnaður, hjá öllum notendum, skuli þannig gerður, að hægt sé á sjálfvirkan hátt um símakerfið eða á annan sambærilegan hátt að lesa mælingar á 60 mínútna meðalálagi.

#### 3.2 Rofabúnaður.

Kaupandi víkjandi orku skuldbindur sig til að setja upp, Orkubúi Vestfjarða að kostnaðarlausu, rofabúnað sem orkubúíð samþykkir til rofs á afhendingu orkunnar.

Öll víkjandi orka hjá hverjum kaupanda skal vera rjúfanleg á einum rofa.

#### 3.3 Fjarstýring rofabúnaðar.

Kaupandi víkjandi orku skuldbindur sig til að setja upp, Orkubúi Vestfjarða að kostnaðarlausu, búnað sem tengist fjarstýrikerfi orkubúsins og getur:

- a) Rofið afhendingu.
- b) Gefið til kynna hvort rof heppnast eða ekki.
- c) Gefið til kynna stöðu rofa á hverjum tíma.

Fjarstýring Orkubús Vestfjarða skal virka á einn rofa, sbr. grein 3.2, en kaupandi skal setja upp búnað til insetningar í áföngum ef þurfa þykir.

Sé heimildin til afhendingar orku á stýritíma nýtt, sbr. 2. grein, skuldbindur kaupandi sig til að setja upp, Orkubúi Vestfjarða að kostnaðarlausu, þann viðbótarbúnað sem til þarf.

### 4. Gildistími.

Skilmálar þessir gilda frá og með 1. janúar 1993 og gilda þar til annað verður ákveðið.

## GJALDSKRÁ FYRIR VÍKJANDI ORKU

### 1. Almenn.

Um viðskipti þessi gilda almennir skilmálar Orkubús Vestfjarða um sölu víkjandi orku frá 1. janúar 1993.

### 2. Rafmagnsgjald.

Fast gjald . . . . .	115 760 kr/ár
Vetrargjald orku . . . . .	2,580 kr/kWst
Sumargjald orku . . . . .	1,670 kr/kWst

Um gjald fyrir orku sem afhent er á stýritíma vísast í framangreinda skilmála. Öll gjöld eru gefin upp án virðisaukaskatts, en hann leggst á þessi gjöld skv. gildandi reglum á hverjum tíma.

### 3. Tímabil orkugjalda.

Vetrargjald gildir tímabilin:	1. janúar – 30. apríl
	1. október – 31. desember.
Sumargjald gildir tímabilið:	1. maí - 30. september.

Gjaldskrá þessi, sem samin er og samþykkt af stjórn Orkubús Vestfjarða og sett er samkvæmt lögum nr. 66 31. maí 1976, er hér með staðfest til að öðlast gildi 1. janúar 1993, og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 509, 23. október 1991.

*Iðnaðarráðuneytið, 28. maí 1993.*

F. h. r.

**Björn Friðfinnsson.**

*Steinunn Bjarman.*

## SAMÞYKKT

**um breytingu á samþykkt um afgreiðslutíma verslana í Hafnarfirði  
nr. 40/1984.**

1. gr.

3. gr. samþykktarinnar orðist svo:

Heimilt er að hafa sölustaði opna á helgidögum og hátíðisdögum nema á föstudaginn langa, páskadag, hvítasunnudag og jóladag og eftir kl. 6 á aðfangadagskvöld jóla.

Samþykkt þessi sem bæjarstjórn Hafnarfjarðar hefur gert með heimild í 1. gr. laga nr. 17, 1. febrúar 1936, um samþykktir um lokunartíma sölubúða, staðfestist hér með samkvæmt 3. gr. sömu laga til að öðlast gildi þegar í stað, þó með þeim takmörkunum sem lög nr. 45, 15. júní 1926, um almannafríð á helgidögum þjóðkirkjunnar setja.

*Félagsmálaráðuneytið, 3. júní 1993.*

F. h. r.

**Húnbogi Þorsteinsson.**

*Sesselja Árnadóttir.*

## REGLUGERÐ

**um breyting á reglugerð nr. 38, 31. janúar 1991, um möskvastærðir í  
togvörpum, möskvamæla og mæliaðferðir.**

1. gr.

2. mgr. 13. gr. reglugerðarinnar orðist svo: Við veiðar á úthafsrækju, sbr. 1. og 2. gr. reglugerðar nr. 351, 24. september 1992 um veiðisvæði við úthafsrækjuveiðar, er heimilt að binda fyrir hlífðarpoka að aftan, sbr. 1. mgr. Sama gildir þegar veiðar eru stundaðar á rækju á Breiðafirði samkvæmt sérstökum veiðileyfum.